

ACTIVIDAD

Pa 16 aña St. Annaschool ta celebra nos fiesta nacional

Lo tin entrega di e prestigioso Premio Promocional Santa Anna na Edselyn Syslaene Figaroa

ORANJESTAD - Manera ta custumber caba pa 16 aña, e aña aki atrobe St. Annaschool, hunto cu mayornan, maestronan, alumnonan y henter pueblo di Aruba ta celebra nos fiesra nacional esta Dia di Himno y Bandera en grande. E parti ceremonial ta cuminsa pa 10'or mainta na e palo di bandera, caminda lo hisa e bandera y canta e himno. E coro di scol lo canta varios cantica y tambe lo tin entrega di e prestigioso Premio Promocional Santa Anna cual manera ta conoci e aña aki a bai pa sra. Edselyn Syslaene Figaroa pa logranan riba tereno cultural y deportivo y pa su trabao social pa pueblo di Noord y di Aruba en general.

Despues lo sigui un show bao di overdekte speelplaats cu

baile di entre otro grupo di baile di St. Annaschool, grupo di Samantha, Grupo di Imelda, canto di Brigitte Croes, ganadora hubenil di Festival di Composicion acompaña pa e famoso Grupo Tipico Noord, poesia, caha di orgel y lo tin hopi sorpresa mas. Despues di e show lo tin oportunidad pa los e pianan riba e tononan di caha di orgel y tipico.

Miestras tanto pafo lo tin weganaann popular pa grandi y chikito cu bunita premio y lo tin weganan di domino. Lo tin un bar y cushina bon surti y tambe lo tin un vlooiemarkt.

Pa medio di esaki nos kier invita henter pueblo di Noord y di Aruba en general pa bin celebra cu nos e dia tan special aki.